

Obavijest

Budžet za turizam ove godine je značajno uvećan i iznosi 4 miliona KM što je duplo povećanje u odnosu na prošlogodišnjih 2 miliona KM.

Ove godine smo po prvi put izdvojili 2 miliona KM za kapitalni transfer.

Javni poziv je kreiran uz široke konsultacije na terenu i u skladu sa Strategijom razvoja turizma 2022-2027. te smo se, između ostalog, odlučili i za razvoj specifičnih oblika turizma i destinacija, imajući na umu destinacije od šireg značaja za FBiH i njihove posebnosti.

Na poziv kapitalnog transfera je pristigao značaj broj aplikacija, čak njih 160 na tri programa.

Njih 77 nije zadovoljilo formalno-pravne uslove. Najčešći razlozi za odbacivanje aplikacija bili su način uvezivanja i/ili neovjerene izjave na način definisan pozivom, nepotpuna dokumentacija ili prijava aplikanta na pogrešan program.

Želimo ohrabriti buduće potencijalne aplikante, u pozivima koji će biti raspisani naredne godine, da pozovu i otvorenu telefonsku liniju, na kojoj zaposlenici Ministarstva odgovaraju na upite i nedoumice aplikanta, a kako bi se broj ovakvih odbačenih aplikacija sveo na minimum.

Od 83 uredne aplikacije na kapitalnom transferu, veliki broj aplikanta izrazio je potrebu za rekonstrukcijom i proširenjem kapaciteta smještajnih i ugostiteljskih objekata. Ove godine ovakvi zahtjevi nisu uobzireni, budući da FMOIT ima otvorenu kreditnu liniju beskamatnih kredita koje realizira u saradnji s Razvojnou bankom Federacije BiH. Prva informativna radionica za potencijalne aplikante u saradnji s Razvojnou bankom FBiH i USAID-om održana je 13.6.2024. godine u Sarajevu, a namjera nam je održati više ovih radionica u više kantona. Informacije o prvoj radionici dostupne su na linku: <https://fmoit.gov.ba/bs/novosti/vijesti/prva-informativna-radionica-o-beskamatnom-kreditu-razvojne-banke-fbih-za-finansiranje-projekata-iz-turizma>. Obavještavamo zainteresirane koji žele prisustvovati radionici o kreditima Razvojne banke za turizam, da se mogu javiti Federalnom ministarstvu okoliša i turizma, nakon čega će se uslijed iskazane potrebe za održavanjem ovakve vrste radionica planirati održavanje novih.

U konačnici, raduje nas veliki broj prijava aplikanta i dobrih, dobro pripremljenih projektnih prijedloga. Budući da smo ove godine prednost dali projektima spremnim za implementaciju, želimo potaknuti blagovremenu pripremu projekata za naše naredne pozive. Svjesni smo da je među aplikantima kojima na ovom pozivu nisu dodijeljena finansijska sredstva bilo onih čiji su projekti vrlo uspješni te ćemo i dalje raditi na povećanju budžeta kako bismo naredne godine bili u prilici podržati još veći broj projekata.

Čestitamo svima kojima su dodijeljena sredstva i vjerujemo da će ista pomoći da naše turističke destinacije budu privlačnije turistima i gostima.

Istovremeno obavještavamo da je na **Javni poziv za Tekući transfer** pristigla ukupno 361 aplikacija, koje su još u obradi i čiji će rezultati biti objavljeni u narednom periodu.

Želimo svim turističkim radnicima i radnicama uspješnu turističku sezonu.

**FEDERALNO MINISTARSTVO
OKOLIŠA I TURIZMA**